



Aningaasaqarnermut Naalakkersuisoq

Ulloq: 27. maj 2022
J.nr.: 01.31.06/20-00980

Aningaasaqarnermut Akileraartarnermullu Ataatsimiititaliap tallimangornermi ulloq 20. maj 2022-mi aalajangiineranik Naalakkersuisunut ilisimatitsineq.

Isumaqatigiissutitut Isumalioqatigiissitap isumaliutissiissutaata atuutilersinneqarnissaanut ilassutitut aningaasaliissuteqarnissaq. Ataatsimiititaliap suliaa nr. 01.31.06/22-00980.

“Naalakkersuisunit inassutigineqarpoq,

“Inassutigineqartup **Inatsisartut Aningaasaqarnermut Akileraartarnermullu Ataatsimiititaliaanut ilisimatitsissutitut nassiunneqarnissaa** Naalakkersuisut akuerissagaat:

- Konto pingaarneq 20.30.01 Aningaasaqarnermut Sulisoqarnermullu Aqutsisoqarfik aningaasaliissutit 2022-mi 3.103.000 kr.-nik qaffanneqassasut, aamma
- Konto pingaarneq 20.01.96 Isumaqatigiissutit pillugit Isumalioqatigiissitap aningaasaliissutit 2022-mi 3.103.000 kr.-nik appartinneqassasut.”

Naalakkersuisut inassuteqaat tulliuuttoq **Inatsisartut Aningaasaqarnermut Akileraartarnermullu Ataatsimiititaliaanut akuerisassanngorlugu nassiunneqarnissaa** Naalakkersuisut akuerissagaat:

“2022-mut ilassutitut aningaasaliissutitut inatsit siunnersuummut kontu pingaarneq 20.30.01 Aningaasaqarnermut Sulisoqarnermullu Aqutsisoqarfik, ASA-mut oqaasertaliussaq nutaamik ilanngussaq tunngavigalugu ilanngussisoqassasoq.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Oqaasertaliussat sapinngisamik annertunerpaamik ikinnerpaaffissaaniitinneqartariaqarnerat oqaasertaliussat akuerineqarnerannut ilutigitillugu ataatsimiititaliap Naalakkersuisunut eqqaasitsissutigissavaa.


3 mio. kr.-it tikillugit atuinerussutit atuinikinnerussutilluunniit ukiumut tulliuuttumut nuunneqarsinnaanerannik oqaasertaliussakkut Naalakkersuisut piginnaatinneqartussaammata, aningaasallu taakku siuliani allassimasut naapertorlugit tassaammata Naalakkersuisunit nuunneqartut, suliaasaq naammassineqarpat piginnaatitsissutip matuma atorunnaarnissaa ataatsimiititaliamit naatsorsuutigineqarpoq.

Oqaaseqaatit siuliani allassimasut Naalakkersuisunit allakkatigut oqaaseqarfigineqarnissaat ataatsimiititaliamit kissaatigineqarpoq.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuersissutigineqarput.**

Inussiarnersumik inuulluaqqusillunga



Hans Peter Poulsen

Aningaasaqarnermut Akileraartarnermullu Ataatsimiititaliap siulittaasua